

DEO OPTIMO MAXIMO

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

## QUÆSTIO MEDICA,\*

QUOD LIBETARIIS DISPUTATIONIBUS

manè discutienda in Scholis Medicorum, die Martis quarto  
mensis Decembris, anno Domini M. DCC. LXX.

M. JOSEPHO-IGNATIO GUILLOTIN,

Doctore Medico, Præsidente.

*An præter genitalia Sexus inter se discrepent ?*

I.



GENERATIONIS, quâ nihil in rerum naturâ frequentius & abstrusius, non una ac eadem via est: aliquando absque Sexu, ut in productione plantarum per taleolas, polyporum per sectiones, solemne est fieri generationes; & in multis animantium generibus; præsertim in iis quæ vitam immobilem agunt, nullum omnino Sexus reperies discrimen; frequentius tamen in vegetantibus animantibusque requiritur Sexus; masculus qui in alio generat, alter qui in seipso femininus. Utriusque autem modus & usus differunt. Brutis coeundi tempus anni definitum, homini nullum; quædam species absque coitu generant, ut pisces; in nonnullis, individua Sexu utroque simul donantur, ut plurimi vermes, testacea quædam, vegetantium maxima pars; quadrupedibus verò, piscibus, volucris, & reptilibus unus cuique individuo Sexus est; nec inter homines fuisse, qui ambiguo sexu donarentur, certâ unquam (a) observatione constitit; sed vetustissimæ hermaphroditorum opinioni ansam dedit nymphæ colem æmulantis excessus. Vidimus & ipsi paucis abhinc annis puellam septennem, quæ deinde ferè pubes, Urbi spectaculo fuit; clitoridis grandiori mole, puerum suæ ætatis adeò mentiens, etiam superans, ut androgynem renunciaverint omnes, præter Anatomicos. Cur aliquando in naturâ absque Sexu, sæpius utriusque operâ, fiant generationes, satis aptè ex diversitate fabricæ organicæ explicabis: hæc ubi nonnullis corporibus organicis simplicissima est, pars quæque toto similis, per debitam evolutionem corpus efficit, non absimile ei à quo exsecta est; in plerisque autem aliis magis composita, feminis adeoque Sexus exigit necessitatem. Cur verò individuorum utroque Sexu simul instructorum duplex copula, cur in his quæ unico tantum gaudent collata Sexuum requiratur opera, nec ex solo semine masculino, ex feminino femellæ producantur, huc usque physica latuit ratio. Sexuum porrò

(a) Theodor.  
Franch. Dis-  
sert. de Nym-  
phæ Præsid.  
Boerh. 1730.

\* Hæc Thesis propugnata fuit anno 1750, Clariss. M. Francisco THIERRY, Præsides & Authore.

institutio multa posuit in animantibus discrimina, diversa pro diversis genere & specie; quorum alia ipsamet generationis organa hic consultò præterminanda, alia Sexuum generaliores usus spectant. In specie humanâ, pectinis os feminis recurvatum magis in exteriora quam viris, ossa ilium magis ad latera reflexa, latioraque, tum os sacrum longius, antrorsum minus flexum, tum coccyx rectior, efficiunt ut pelvis muliebris; omni dimensione, virili capacior sit: inde utero, fetuique enormi mole adaugendis, amplum paratur spatium; nec obsistunt aliunde mollia circumfusa, intestinum rectum, & vesica, quæ sensim expansa, cum uterus inanis est, & inde majora quàm in viris, excrementa diutius retinendi feminis dant facultatem. Latior autem pelvis, & augetur in graviditate abdomen idèò firmius sustinentur, quòd femoris & coxæ articulationi rectiorem cum trunco angulum efformet in mulieribus quàm in viris. Præterea in illis coccyx mobilior, si antrorsum vertitur, fetum sustinet, si retrorsum, favet enitentibus: sed & ossis sacri cum ossibus ilium commissura debilior est; præcipuè ossa pubis breviori lineâ & molliori cartilagine inter se committuntur, quæ propterea in enixu aliquando (b) disjungi observatis constitit. Infimæ autem partes sub ossium pubis connexu, cum magis à se invicem distent, ischiisque spina antrorsum reflectatur, ex pelvi, ad fetum excludendum, exitus in feminis amplior est. Viviparis porro animantibus, debilem fetum, primis à partu temporibus nutriendi commissum officium, mammarum fecit necessitatem; quæ brutis ventri potissimum subjacent, homini pectori affiguntur: idèò mulieribus thorax anteriori parte planior est, claviculæ minus curvæ, quàm viris; in his adumbrari tantum mammæ dixeris, cum exsuccæ, rarissimè lac fundere visæ sint. Verum, ut feminis major pelvis capacitas, sic masculis thoracis dimensio amplior, quod fere de omni genere viviparorum dicendum est: latiores ergò viri supremâ thoracis parte, coxis angustiores; contrà mulieres. Demum sternum quod viris longius, mulieribus brevius est, his abdominis longitudinem adauget, minuit illis. An & feminis costæ mobiliore? certè viri abdomine, feminae thoracis præsertim respirare (c) observantur: inde securitati earum provisum est, graviditatis enim tempore, repleto distentoque abdomine, septum in pectus repulsum difficillimè contrahitur, & respiratio è solo thorace feminis tunc fere superest. Imberbis facies cum uberum prominentiâ facilem & expeditam facit muliebris Sexus à virili distinctionem, etiam sine diversis vestibus aspectabilem. Nonne alia inter Sexus veniunt discrimina? contextum partium, temperaturam dissimilem, proinde actiones vitæ, proprietatesque Sexibus diversas inesse credimus; quæ quidem ex uno & eodem naturæ systemate emanare videntur.

(b) Riolan.  
Anthropograph.  
Lib. VI. cap.  
42.

(c) Boerha.  
Comment.  
Initiis. n°. 423.

## I L

QUI Sexus inter se non differre exinde putaverit, quòd organa præter ea quæ generationi dicantur, eadem numero & situ paria utrique concessa sint; ille nec hominum, nec animantium ejusdem speciei, in diversis regionibus, miram varietatem perspexit; nec individui ejusdem, pro variâ ætate, rerum non naturalium usu, prosperâ vel adversâ valetudine, manifestum à seipso discrimen. Molli, delicatulo hominioni eadem ac athletæ viscera sunt: fatuo & sapienti, non alia cerebri, non alia sensuum organorum structura. Quantum tamen hi & illi inter se discrepant! Itaque ut in animantium familiis stupenda diversitas, sic in speciebus infinita propemodum differentiæ. Ex dissimili prorsus fabricâ generum distinctio; ex similium organorum varîâ constitutione specierum & individuorum discrepantiæ. Et primò quidem, organorum elementum fibra est, quæ variè tensa, laxave, solidior, vel tenerior, dissimiles edit effectus; at organa se habent ut fibræ; actiones porro ut instrumenta à quibus producuntur. Deinde singulorum membrorum, innumeris modis variare potest conformatio exterior, magnitudo, moles, mutua inter sese proportio, eadem remanente structura: hinc

numera discrimina. Sic ex cordis molis, respectu totius corporis proportione adacta, majus inde accedere robur: ex crassioribus ossibus, quibus majores sint eminentiæ, firmiores articulos, validiorem reddi actionem muscularem, demonstrant Physiologi: & sic porro de cæteris, Specierum ergo discrimina indicant, modò partium exacta dispositio; modò vitæ actiones, motus, sensus, respiratio, vox, gestus, mores & affectiones, valetudo, vitæ brevitæ, prolixitas, &c. modò signa externa, tum universi corporis, tum singularum partium. Pili rigidi, densi, plurimi, collum crassum, vastum caput, quæ in robustissimis animantibus adsunt, eadem in hominibus fortitudinis signa sunt: cutis nigrior, hirsuta pilis, progrediente ætate calvities, latissimus thorax, venæ amplæ, arteriæ vehementius pulsantes, musculosum corpus, nec pingue, nec gracile, firmissimam constitutionem significant; contraria imbecilem, &c. Hæc porro omnia mutuo sese confirmant: interiora corporis, externis, ut plurimum, respondent; miraque animalium fabrica, partium interiorum determinata vis, certam in exterioribus producit conformationem: animi pathemata & propensiones, corporis diatheses, sese vicissim designant, & mutuo producant; cum mores sequantur temperamentum corporis. Verum inter animantium genera, ex homine longè major signorum numerus colligitur; quandoquidem illi habitus spectabilior, corpus pluribus actionibus aptius, vultus denique, ubi animus fere inhabitat, mentis affectionibus prope omnibus indicandis est habilissimus. Hinc ars Physiognomoniæ, quæ suis si circumferibitur finibus, non incerta adeò spernenda; hinc temperamentorum doctrina, quæ bene percepta, sanandi artis firmissimum est fundamentum. His principiis accuratè insistens, œconomiam animalem utriusque Sexus, si investigaveris, haud pauca, nec ad praxin inutilia reperies discrimina, quorum summa satis erit hic attigisse.

I I I.

**V**IRILEM perlustranti Sexum occurrunt tibi, cutis densior, durior, hirsuta pilis plurimis, crassis, ut plurimum nigrioribus; distentæ venæ; quadrati musculi, tendinibus instructi validioribus; crassiora ossa, eminentiis asperiora; artuum firmior compages; oris, totiusque corporis duriora apparent lineamenta. Contrà mulieribus mollior cutis & candidior; pilus tenuior, rarior & splendidiior; vix apparent venæ; tenerriamæ adsunt carnes; exiliora & planiora ossa; crassiora genua, pedes elegantiores; artuum omnium tractus leviores, magisque expoliti: ut jam ad virile corpus robur & dignitas, ad muliebrem lepos & venustas cum quâdam debilitate, pertinere videantur. Membrana deinde cellularis, præcipuè quæ cuti subjicitur, viris strictior macriorque, eadem feminis laxa magis & turgens pinguedine, vasa cutanea comprimit. Hinc illis uberior perspiratio, his autem parcissima, simul & minus acris, ut potè leniori temperata oleo; unde halitus puellarum ad senilem tardandam ariditatem. (a) maximi fit momenti. Hinc etiam leviores jacturas patiens; & excrementis abundans muliebri corpore, longiarum inediaum, præ virili, longè frequentius (b) celebra dedit exempla. Porro thorax amplior in masculo Sexu [Sect. I.] quàm in feminino, insigne ponit in œconomia utriusque discrimen; cum pectoris cavitati pulmonis respondeat volumen, hic autem præcipuum sit vitæ organum. Musculi præterea viris crassiores quàm mulieribus, validiorem illis esse actionem muscularem evincunt, aliis siquidem paribus, vis musculorum ex ipsorum mole æstimanda. Verum ventriculus, intestina, musculi sunt; respiratio, loquela, &c. fiunt ope musculorum; adeoque viris ciborum major appetitus, concoctio faciliior, vox gravior & fortior, &c. Cor ipsum, animalis machinæ primum mobile, musculus est, quem diversæ molis esse in utroque Sexu, diligentissima (c) observata docuere; proportio enim ponderis cordis (detractâ pinguedine) totius corporis respectu minor est in animantibus pinguioribus quàm macilentis; a femina viris pinguiores: & in universam ea proportio major est in animantibus masculis quàm femellis, cicutatis ferisve. Quapropter hominum motus & quæ ex eo pendent

(a) Lib. III. Regum c. 1.

(b) Comment. Bo. con. Sc. & att. Intit. & Acad. tom. II. part. 1. p. 221.

(c) Brav. Robin. ex p. perin. ut aut. malib. obser. 300.

(d) Galen.  
de causis pul-  
suum Lib. III.  
cap. 2.

(e) Helster.  
compend. A-  
natomic. n.<sup>o</sup>  
209.

(f) Galen.  
de simplicib.  
Medicamentis.  
Dioscorid. de  
Mater. Medic.  
passim.

(g) Aristot.  
Histor. Ani-  
mal. Lib. IV.  
spir. ul. iia.  
(h) Idem  
de Physio-  
gomon. c. 5.

(i) Clifton  
Wittrinch  
apud Haller.  
Commentar.  
Inst. Boerr.  
n. 661. n. a.

(k) Aristot.  
Histor. Ani-  
mal. Lib. IV.  
cap. XI.

secretio, excretio, &c. viris validius perficiuntur; » viri mulieribus (d) pulsus  
» fere habent longè tum majorem, tum vehementiorem, tardiorem simul, diastolis  
» tamen extensoris «: contrà proportio molis hepatis, respectu cordis & corporis,  
major est in feminis quàm maribus; augetur siquidem jecinoris pondus eâ ratione quâ  
cordis pondus minuitur & vicissim: concurrit aliunde textum cellulare plenius in fe-  
minis; cum, ex humorum affinitate, cellulosum systema hepatisque volumen, pari  
ratione, (quæcumque sit), augeri simul minuique videantur. Inde phenomena ex-  
plicabis; cur ventriculus (e) minor mulieribus; cur hepatis affectiones & aqua in-  
tercus iis frequentissimæ; cur respiratio difficilior; cur tandem modica sitis, & ap-  
petitus languidior qui acribus & insolitis sit excitandus. Hæc autem confirmant quæ &  
in brutis tibi notanda veniunt sexuum discrimina; marium scilicet carnes duriores, fe-  
mellarum teneriores, ipsis coquis est notissimum; tum varias animantium partes, di-  
versas, pro diverso Sexu, ad Medicos usus (f) exhibere facultates, Medicorum filii te-  
docebunt: deinde in omnibus fere animantibus femellas vocæ tenuiore & acutiori di-  
gnosces, mafculos fortiori, collo insuper & capite amplioribus; præterea partibus  
quas ut arma natura dedit: quales sunt dentes exerti, cornua, calcaria, &c. iis fe-  
minas omnino destitui reperies, vel si utrique concessa Sexui, maribus hæc omnia  
potiora (g) & robustiora adesse; & ferarum feminas ad homines facilius assuescere  
videbis (h) & mansuescere, certo indicio, quòd ut corpore, sic animo, maribus sint  
molliores. Dissimilem verò exigebat in corpore feminino temperiem fetis nutritio;  
laxatâ nempe solidorum compage, minutis inde humorum motu & secretionibus,  
matri arcessenda erat plethora, quæ porro ad uterum præcipuè ducenda erat. Inde  
dispar in utroque Sexu vasorum apparatus, hic non prætermittendus. In genere arte-  
riosum systema laxius est feminis quàm maribus, venosum autem non eadem pro-  
portione (i) debilius in illis; venosum proinde systema magis repletur maribus,  
arteriosum feminis; quod ex arteriis catamenia sruant, lympa in utero fetum nutriendi,  
lac exsudat in mammis. Deinde aortæ descendens truncus, respectu ascendentis an-  
terioris feminis quàm maribus, illisque magis ad iliacam regionem, utpotè debilior,  
dilaturatur, à quo aliunde ibi majores oriuntur rami & numerosiores: at feminis venæ  
majori crassitie eò strictiores, ac numero pauciores, quòd pelvi viciniore sunt: qua-  
propter copioso semper sanguine turget uterus, cum majori ipsi quantitate afferatur  
per arterias difficiliter revehatur per venas. Eò demum spectant, vasorum uteri, inter  
sc, cum hæmorrhoidalibus, iliacis, femoralibus communicatio; valvularum defectus  
in veuis sanguinem ad perpendiculum reducentibus; arteriarum serpentinus ductus,  
quæ præterea ore patulo hiant per villos exhalantes uteri, vel in ejusdem sinus mu-  
cosos. Ergo in uterinæ plethoræ, quæ necessaria fuit, gratiam, partibus abdomi-  
nalibus major concessa fuit laxitas; hæc deinde in univertum corpus similem induxit  
dispositionem, nec mutata nimis, partium inser se convenientiâ, muliebris œcono-  
mia læderetur. Excluso fetu, constricto utero, plethoram ad mammæ ferri exigebat  
earum [Sect. I.] usus. Hinc mirus ille uteri & mammarum consensus; quem tamen  
nec vasorum mammariarum cum epigastricis evidentior in feminis communicatio,  
nec nervorum commercium, nec utriusque partis liber à compressione situs, vix  
sufficerent explicant, quamvis ultima ratio probabilior utcumque videatur. Hæc  
porro ut plurimum in brutorum fenellis conspicua, in muliere tamen conspectiora,  
dissolvendis satis sunt his quæstionibus; cur minus sanguinis extimis corporis femina-  
rum partibus, interioribus verò magis continetur; cur in quadrupedibus viviparis  
partes superiores & anteriores n. aribus validiores & aptiores, feminis (k) contrà  
inferiores posterioreseve; cur omnium feminarum mulier sanguine maximè abundat;  
cur doloribus gravantibus præ viris magis obnoxia; cur illi crassiora femora; cur  
venæ sectiones & enormes hæmorrhagias absque vitæ, & fere valetudinis periculo,



5  
 sæpius mulieres patiuntur; cur puellis peculiaris morbus chlorosis: hinc etiam eorum ratio patet quæ in practicis observabis; in universum virilia corpora frequentius & vehementius acutis morbis corripitur deprehendes; feminina chronicis & periodicis ut magis obnoxia videbis, sic celeres morbos mitiores plerumque experiri. Viris magnæ & subitæ valetudinis mutationes magis familiares; sponte siquidem ad athleticam constitutionem vergunt, quæ valde (1) lubrica est.

I V.

**S**EXUUM diversa temperies, viriumque vitæ [Sect. III.] inæquale momentum, alia in corporibus circa nutritionem & accretionem fecere discrimina. Jam masculo citius in utero coagmentari, trigenta scilicet diebus, feminas quadringentaduobus, quod ipsi ab initio principiorum diversa vis insit, divus senex (a) memoriæ tradidit: ubi verò in lucem editi sunt fetus, puellæ citius quàm pueri crescunt, pubescunt, sapiunt; tenera siquidem laxiorque compages, hinc inde tota explicabilis, facilius recipit nutrimentum, quod præterea minus consumitur, & minori massæ distribuitur. Eadem corporis mollities debitam membris flexibilitatem diutius servat, & senilem quàm tandem obimus, ariditatem moratur. Inde mulieres, si tamen menstruæ cessationis, (quæ plurimas jugulat) periculum vitaverint, viris sunt longæviores; cujus rei veritatem, contra antiquorum sententiam, stabilivit recentiorum (b) observatio; inde etiam mulieri, secus ac viro, caput tristi non deputatur calvitie: senescere autem feminis minus incommodum, quod breviori corpore (c) sint. Masculis enim statura eminentior, constanti satis lege, quæ etiam in quadrupedibus sanguineis viviparis, fere perpetua est: an quod debiliori Sexui proceritas eadem ac robusto inutilis, imò gravior? an ita naturæ visum augmento muliebri limites ponere, quò citius edendæ proli forent aptiores? quippe iis generandi ad quadragintaquinque, vel ad summum quinquaginta annos cessat habilitas, quæ viris vix agnoscit terminos. Quâ ratione autem accidat staturæ discrimen, illud [ex Sect. III.] mechanice explicabis. Ossium volumine corporis moles circumscribitur, ut si crescere definant, jam universi corporis cesset accretio: causa verò in ossium penetrabilia fluida impellens, vis est cordis: hæc si resistentis major est, corporis fit augmentum; si æqualis, nutritio; si minor, decrementum: porro proportio molis, & proinde virium cordis, totius corporis respectu, minor est in feminis quàm in viris, cum aliunde major sit sanguinis movendi quantitas; adeoque citius in illis libratur vires cordis & resistentiæ. Deinde ossium præcipuum elementum, terreum illud est, ut demonstrat analysis; particulas autem crassas & terrestres seminarum humoribus pauciori quantitate adesse, evincit virium, per quas fit concoctio minor in ipsis potentia; & si aliquando ex alimentis crassiores extractæ fuerint moleculæ, harum, propter vasculosi systematis inertiam, difficilis ut erit assimilatio, ita citius è corpore sub urinarum præsertim formâ secedent; ideo mulieribus urinæ magis quàm viris crassæ & turbulentiæ; propterea etiam vix unquam podagrâ (d) tentatur femineus Sexus; & inter alias rationes, urethræ scilicet ampliationem & brevitatem, calculo longè rariùs vexatur quàm virilis. Hæc confirmant bajulorum & rusticorum corpora quibus, cum duros & terrestres assument cibos & concoquant, ossa sunt longè quàm urbanis ampliora. Ossium igitur in unâqueque dimensione feminis minuitur volumen, & aliquando numerus, ipsi siquidem ultimæ molares dentes sæpius quàm viris deficere observantur. Staturæ muliebri minuendæ præterea concurrunt tunicæ cellulosa, uteri, mammarumque valde explicabilis fabrica. Quippe accretio, cæteris paribus, ex quantitate liquidi appulsi æstimanda. Jam verò quòd systema cellulosum laxius sit feminis, humorum qui in his lentè moventur, perpetua exinde fit in cellulâ derivatio, & affluxus: unde augmentum in latitudinem; adeò ut obesa corpora macilentis in genere minus excrescant in longitudinem. Deinde cum arteria hypogastricæ, tum

(1) Hippoc.  
 Aphoriz. 3.  
 Sect. 1.

(a) Idem de  
 Nat. pueri  
 S. & X. seq.  
 de Genitur.  
 Sect. VI.

(b) De Part.  
 citur, Effa  
 sur la proba  
 bilité de la  
 durée de la  
 vie humaine.  
 (c) Hippoc.  
 Aphor. 14.  
 Sect. VI.

(d) Idem  
 Aphor. 29.  
 Sect. VI.

numero, tum diametro, majores sint feminis quam viris, & menses ante finem incrementi plerumque erumpant; liquor vitalis minori copiâ per arteriam cruralem, artus inferiores alluit, qui ideò minùs crescunt; exemplo fœtus cui minimi sunt hi ipsi artus, quòd ab arteriis cruralibus defleſcens sanguis ferè totus in umbilicales deferatur; ciſtiſſimum verò incrementum recipiunt, ubi ocluſis iisdem umbilicalibus, crurales debitum accipiunt sanguinem. Pœterea eodem fere tempore, quo menſtrua mulieribus erumpunt, iisdem ſororiantur mamma: porro arteriæ mammariae præcipuè ex ſubclaviâ & axillari ducunt originem, ut ideò quantitas ſanguinis dilatandis mannis inferiſſimis, eadem artubus ſubripiatur ſuperioribus. Demum aorta aſcendens denſior & ſtrictior feminis eſt, inferior autem laxa & ampla magis: quapropter ſanguinis copia minor in aſcendentes aortæ ramos advehitur. Reipsâ feminis collum ſubtilius; larynx minor, thyroïdes cartilago, ut tenuior, minùs protuberat; facies anguſtior; cerebrum & caput minora ſunt. Ex prædictis ſequitur, cæteris paribus, eò prociorem fore mulieribus ſtaturam, quò tardior, pauciorque humorum humorum fiet ad iterum & mammaſ derivatio: hinc juſtæ & concinnæ corporis magnitudini illæ optimè conſulent, quæ nonniſi poſt debitam accretionem, octodecim ſcilicet vel viginti annos, graviditatis & puerperii adibunt pericula. Muſculos exiliores feminis [Sect. III.] diximus: an quòd minori conſent fibrarum numero? obſtant ne credamus tum actio muſcularis ſi debilior, attamen æquè varia ac in maribus, imo agilior: tum muſculorum molis, pro diverſo nutritionis ſtatu, in eodem individuo, enormis ſæpius ſpectanda differentia: an potiùs fibræ muſculoſæ tenuiores mulieribus, viris craſſiores? craſſitiam non diſferre ſuadet Muylſii & Lewenhoekii (e) microſcopium, quo in animantium muſculis diverſæ molis & ſpeciei, quadrupedum, avium, piſcium, corporibus, ultimæ fibræ longæ, mole vel craſſitudine propemodùm æquales apparent. Omne itaque diſcrimen ex telâ celluloſâ contingere credere eſt, quæ viris denſior & craſſior membranarum ratione, minimè verò cellularum, dum muſculorum faſciculos colligit, & fibras ſingulas comitatur, muſculoſam adaugēt carnem, roboratque: ſententiam conſirmant telæ cellularis uſus & hiſtoria; craſſa ſiquidem & calloſa membris exercitatis, vel robuſtis, eadem debilioribus tenuior eſt & delicatior. Fibræ itaque longæ, æquales in utroque Sexu numero & craſſitię, tunicâ quâ includuntur longè diſpares ſunt. Ex vaginæ denſitate fibroſum ſyſtema viris firmum ac robuſtum redditur: inde ideæ lentiores, ſed tenaces; ſenſus hebetior, at animus conſtans: contrâ involucri tenuitas efficit ut feminis fibræ imbecillior, nudiorque, ſtimulis internis externiſve moveatur, qui virilem fibrâ vix poſſent laceſcere: quapropter Sexui muliebri, præ maſculino *irritabilitas* major & *ſenſibilitas*: mobilius inde genus nervoſum, vibrationes & micantiores oculi, vividiores ideæ, promptior imaginatio, ſenſus acerrimi, major ab externis paſſio, ad convulſiones & liporhymiam proclivitas: proinde ut viros vexat melancholia, ita feminas hyſterica paſſio; quos totâ naturâ diſferre morbos contra Sydenhamum contendimus. Non obſtare autem laxitati muliebris fibræ ejusdem *irritabilitatem*, ſuadet convaleſcentium & phthiſicorum exemplum, quibus dum viſ muſcularis minima eſt, ſenſus adeſt exquiſitiſſimus, adeò ut ingenii acumen, & corporis robur inverſâ ratione crefcere ac decreſcere videantur.

## V.

**P**ROPOSITA porro [Sect. III. & IV.] Sexuum diſcrimina à ſolâ pendere conſuetudine & educatione, multi exiſtimant: molliori quidem vitâ otioſâque ſoveri *femineitatem*, durâ autem & exercitatâ virilitatem augeri non inſicias ibis; attamen in his agnoſcere debes naturæ inſtitutum. Jam enim in omnibus locis temporibuſque conſtans utriuſque Sexûs longè diſpar educatio, generaliſſimam ſupponit in humanâ ſpecie conſuetudinem, quæ probè intellecta ad hominum originem te reducet, adeoque ad ipſammet naturam: nec te movebunt Antazonidum raræ & inçerta hiſtoriæ, præ-

(e) Lewen-  
hoek. Ep. ſt.  
Phyſiol. p. 1.  
ſm. Muylſius  
de car. e Muſ-  
culos p. 426.

fertim cum earum, si unquam fuerint cœtus, omnino viris caruisse, nondum apud (a) eruditos constiterit. Viros deinde aspice urbanos, otiosos, ut ab exercitatissimis mulieribus rusticis adhuc dissimiles, universo corporis habitu sexum exhibent virilem! Demum in brutis similia eadem minusve, præsertim in viviparis, tibi occurrunt discrimina, quibus tamen eadem vivendi norma, eadem exercitii videtur ratio. An sexuum discrepantia [præter Sect. I.] à femine, quod in masculis vividius, & certè copiosius (magis enim coitû debilitantur quàm feminæ) dum perpetuò reforescet, & humoribus permiscetur, phænomena relata [Sect. III. & IV.] producit? Reverà cum formatur semen, erumpere barbam, mutari vocem ex acutâ in graviolem & asperiolem roborari juvenes, mariumque carnes nescio quid spirare virosum, omnibus notum est: præterea eunuchis, si puerili ætate castrantur, (b) vox acuta remanet, neque oriuntur pili, qui nobis natis postea provenire consuevere, calvities & podagra non accedunt, nec (c) latæ venæ sunt, nec sanguis floribus, & arteriæ parum & imbecillius pulsant; certo argumento totum corpus à testibus alterari. Si tamen castratorum corpora attentè perlustras, non omnino, præsertim magnitudinis ratione, feminina, reperies, sed mediam, ut ita dicam, inter Sexum utrumque servare proportionem. Quid si ante feminis formationem pueri, imo ante ortum fetus, Sexum suum indicant? quippe mares citius, frequentius, validiusque in utero (d) moventur; ergastula solvere maturius gestiunt: ut inde mares, potius quàm feminas, oblæsos mutilosve, in genere hominum nasci (e) observatum sit: præterea mulier si marem concepit, benè colorata est; si verò feminem, (f) sæpius decolor, infirmiorisque valetudinis: fetus mares in dextris, ut potè validioribus partibus, feminas in uteri sinistris (g) ut plurimum geri: illos crescente & vigente lunâ sæpius, has potius decresciente nasci; quòd conceptio & partus, similibus respondeant lunæ periodis, vulgaris, parum adhuc liquida, percrebuit opinio. Si verò hæc omnia cum feminis historia & usu probè conseras, & simul attendas, adolèscentes inter se, vel senes cum juveniculis, si rem habent, potissimum generare femellas, ætate consistentes masculos: quæ spontè concipere nequeunt mulieres, eas si artis auxilio conceperint, feminam magnâ ex parte parere (h) potius quàm marem; in humanâ specie prolem geminam similis Sexus frequentius edi quàm dissimilis; & paucos geminos fervari (i) si alter mas sit, alter femina: austrinis flantibus ventis feminas in brutis, æquiloniis autem mares (l) potius concipi: in hisce septentrionalibus plagis, quippe humana gens robustior est, pueros nasci, qui puellarum nascentium numerum fere quadragesimâ parte superent, quod certissimis observatis constitit: contrà in meridionalibus, ut viatores narrant, femininos fetus, masculinis frequentiores esse: ex his omnibus non absurdum adeò consequitur, illud veteris sapientiæ (m) effatum, quod jam in quadrupedibus singulâ vice feturam unam edentibus (n) experientiâ confirmatum est; posse dari scilicet, humano generi utilissimam artem, quâ mares feminæve, ad arbitrium generentur. Quòd autem institutis semel Sexibus, insigni robore alterutrum potiri necesse fuerit, indicant plurima vitæ munia quæ non nisi summis membrorum viribus possunt adimpleri; corporis verò fortitudinem maribus, non verò feminis concedendam fuisse ex se patet. Ex naturali enim mentis ad illa [Sect. II.] propensione ad quæ exquenda corpus est optimè dispositum; mulieres si iis artus torosi lateraque firma fuissent, duris jam gauderent exercitiis: unde catameniorum quibus stare videtur fecunditas, facilis cessatio, fetis intra & extra uterum difficilior nutritio, effluxus & abortus frequentissimi, prolis educandæ, quæ vitæ otium exposcit, neglectior cura: sic vano generationis toto opere futuro, nisi Sexus prolem edens, nutriendi, & educans idem fuisset. Præterea ex eo quòd mollietates & teneritudo corpori muliebri contigerit, pulchritudini via sternitur; puerorum exemplo, qui ideò formosi, quòd mollior sit & delicatior habitudo corporis. Hinc enim tunica cellularis tenuiori distenditur oleo, vacua opplentur interstitia, nitidior

(a) P. Boit.  
Med. de Anatom.  
zoon diss. r.  
Anst. 1707.  
in 12.

(b) Aristot.  
Histot. "Anti-  
mal. Lib. IX.  
Artic. 230.  
(c) Galen. de  
femine lib. I.  
cap. 15.

(d) Hippoc.  
de Nat. puer.  
Sect. XX.

(e) Edoard.  
wotton Oxon-  
niens de differe-  
nt. Animal. Lib. II.  
cap. 64. Paris  
1752.

(f) Hippoc.  
Aphor. 41.  
Sect. V.

(g) Ibid.  
Aphor. 48.

(h) Aristot.  
ib. Lib. VIII.  
cap. 64.

(i) Idem  
Probl. I. Sect. X  
Probl. 30.

(l) Idem de  
Generat. Animal. Lib. IV.  
cap. 2.

(m) Hippoc.  
de diæta Sect.  
XX seq.

(n) Avis pour  
élever des  
Chevaux, Sec.  
par Querbrat.  
Calloet, Paris  
1666. in-4.

cutis , lenis humorum indoles & placidus motus , vasorumque minimorum repletio. Cessantibus menstruis , formæ venustas mulieribus , ut plurimum , immutatur ; viris ut ad generandum habilitas sic & dignitas servatur diutius. Viden sapientissimam quam Sexibus fecit DEUS bonorum partitionem ! Si utrinque virium corporis æqualitas ; ex dominationis affectatione discordiæ vix placabiles : si ambobus par debilitas similisque formæ pulchritudo ; imbecilliores fuissent hominum cœtus , quos aliunde , firmissimum humanæ societatis vinculum , amor non conjunxisset : sin autem corporis robur & forma ad unum simul pertinerent ; alterum vilem fore , infelicemque agere vitam necesse esset : cum verò alteri fortitudo , imbecillitas alteri cum venustate tribuitur ; res ex æquo partita est ; „ societas nonnisi ex dissimilibus atque inæqualibus (o) consistere potest , quos tamen oportet exæquari «. Quod demùm mulierum fibris major infit sensibilitas , haud leve commodum est : liberorum siquidem prima educatio ad commiserationem & charitatem proniores exposcit animos ; hinc in omni genere animalium in educandâ sobole femina mare magis sollicita est : rei deinde domesticæ , vitæque privatae tædiosa ut est uniformitas , paucitatem obiectorum sensus acutior utilissimè compensat : præterea cum graviditatis ærumnas , partûsque pericula , pessimam adeò conjugii partem , feminæ sortita sint ; eas spontè facilius sese irretire amoribus optimum est. Inde fluunt variæ dotes & propensiones ejusque Sexûs propriæ ; ruunt autem de alterutrius excellentiâ vanæ quæstiones : neuter perfectus , quod ex utroque tantùm amussitatum sit opus ; si ex solis mulieribus constaret societas , verendum ne harum eximiae dotes , verecundia , commiseratio , pietas , &c. ad vitia usque progredierentur : si ex solis viris , propinquæ adsunt melancholia , fere barbaries , ac ferocitates ; at dum communem ineunt consociationem mutuo sese temperant Sexus ; affectiones cuique propriæ , rariùs à certo discedunt medio quo constat ordo ; naturæque systema omni puncto absolvitur. Phænomena , reique ipsius institutio hanc proinde adducunt conclusionem.

*Ergò præter genitalia Sexus inter se discrepant.*

## DOMINI DOCTORES DISPUTATURI.

M. Paulus - Gabriel LE- PREUX.	M. Joannes-Antonius ELIE DE LA POTERIE.	M. Franciscus - Felicitas COCHU.
M. Ludovicus - Claudius GUILBERT , Antiquus Regis exercituum Medi- cus.	M. Josephus GARDANE , Censor Regius , & Regia Scientiarum Societatis Monspelienfis Socius.	M. Josephus DE JUSSIEU , Regia Scientiarum Aca- demiae Socius.
M. Edmundus - Claudius BOURRU , Bibliothecæ præfectus.	M. Joannes - Stanislaus MITTIE , Regia Scientia- rum & Litterarum Nancæi Academiae Socius. necnon Stanislai I. Polonicarum Regis dum viverent Medi- cus ordinarius.	M. Hyacinthus - Theodorus BARON , antiquus Fa- cultatis Decanus , necnon Castrorum Regis exerci- tuum in Germania & in Italia protomedicus.

Proponebat Parisiis EDUARDUS-FRANCISCUS-MARIA BOSQUILLON, Eques ;  
Mondiderinus, Ambianensis, Saluberrimæ Facultatis Medicinæ Parisiensis Bac-  
calaureus. A. R. S. H. 1770. A SEXTA AD MERIDIEM.

---

Typis Quillau , Universitatis & Facultatis Medicinæ Typographi , 1770.